



Uunga siunnersuut: Piniarneq aallaaniarnerlu pillugit Inatsisartut inatsisaata allanngortinnera pillugu Inatsisartut inatsisaat (Akiliisitsilluni aallaaniarnermik aaqqissuussisartunut najugaqartussaataitanermut piumasagaatip ukiunit marlunnit ukiunut tallimanut sivitsorneqarnera aammalu akuersissutitaarnissamut immikkut akuersinissamut malittarisassat nutarneqarnerat, kiisalu akuersissummik qinnuteqarnermi najugarisaq pillugu uppernarsaatit sukumiinerusumik aalajangersarnerat)

(Aalisarnermut Piniarnermullu Naalakkersuisoq)

(Siullermeerneqarnera)

Siunnersuummut Naalakkerasuisut qutsavigaagut.

Demokraatit isumaqarput, maani nunatsinni misigisaqartitsilluni takornariartitsineq piukkunnaatilerujussuusooq, tassanilu aamma akiliisitsilluni aallaaniartitsineq. Takornariartitsinerni allatuulli, isumaqarpugut, ingerlatsisut nunaqavissuusariaqartut kulturitsinnik inuuniarnitsinnillu annertuumik ilisimasaqartut.

Taamaattumik pissusissamisoorpoq inatsisip sukaternera imaasillugu, akiliisitsilluni aallaaniartitsisumut piumasagaataalerluni, maani sivikinnerpaamik ukiuni tallimani najugaqareersimanissaq. Piumasagaatip taassuma aamma qulakkiissavaa, akiliisitsilluni aallaaniartitsisut nunatsinnut piffinnullu annertunerusumik attuumassuteqarnissaat. Tamanna qanorluunniit periarfissatsinnik atorluaanissamut iluaqutaassaaq aammalu nunaqavissut piniariaasiisa attanneqarnissaannut tapertaassalluni.

Tassunga atatillugu nuannaarutigaarput, inatsimmi immikkut akuerisinnissamut periarfissiisoqarmat, soorlu assersuutigalugu kalaallit, nunanut allanut ilinniariarsimasut ukiuni tallimani kingullerni najugaqarnissamik piumasagaammit immikkut akuerineqarsinnaaniassammata.

Taamatuttaaqq pitsaasuuvooq, Naalakkersuit tusarniaanermut akissutit tusarsimammattigit piumasagaallu, akiliisitsilluni aallaaniartitsisoq akiliisitsilluni aallaaniartitsinermi aalisarnermilu akuersissummik pissagaanni minnerpaamik 50 procenti isertitarinissaannik. Taanna piumasagaat aallarnisaasutut aallartinnissamut kajumissutsimut naalleraataasussaammat, tamannalu pitsaasuussanani.

Siunnersuut taakkuninnga oqaaseqaaserlugu akuerisassanngorlugu suliareqqitassanngorlugulu Aalisarnermut-, Piniarnermut Nunalerinerimullu ataatsimiititaliamut ingerlateqqitassatut innersuunneqarpoq.